

中國國民黨
史稿
第一篇

漢武署檢



鄒魯編著

中國國民黨史稿 第一篇

商務印書館印行

中華民國二十七年七月本館第一版
中華民國三十三年六月增訂第一版

(3562.4A 渝熟)

中國國民黨史稿第一篇

渝版熟料紙

定價國幣柒元

印刷地點外另加運費

版 翻
權 印
所 必
有 究

編 著 者

鄒

魯

發 行 人

王

五

印 刷 所

商 務 印 書 館

廠 館

發 行 所

各 地 商 務 印 書 館

吳序

金賈人

歷史者。記人類已往行動之事迹。供後人參考。以驗人類行動之狀態。得一歸納之究竟者也。故良史氏記載。每以直筆爲不易之鵠。例如科學家。用客觀態度。隨物態所呈露。依正確者謹書之。謂而已。吾人苟有行動。一經演出。是合。是誤。是真。是僞。潛雖伏矣。亦孔之昭。功罪罪。不能諱飾。亦無可誣枉。如有作用於其間。所謂史之別一義。曰足以爲後人鑑戒者。亦莫善於恰於其行動之正確。否則證據自身即不分明。取因既僞。成果必謬。與鑑戒之旨。尤爲舛馳。自春秋褒貶之義興。用於鑑戒者。非不甚盛。惜乎不能因物付物。設個人之成見。遽定是非。於是反開諱飾之階。而或誣枉之厲。歷史遂變爲藝術。而不成爲人類行動之科學矣。就歷史正確之材料。而抉其弊病。則有五端。一卽諱。二卽飾。三卽誣枉。其四爲傳誤。其五爲疏漏。國民黨之歷史。中山先生常恐其不正確。故以爲與其使人見仁見智。各言其所知。以爲揣測。不若直自記其已往之迹。有則言有。無則言無。俾後世能知其正確而得適當之歸納。遂於學說中。曾爲自傳。於不諱。不飾。不誣枉。則已示吾人以模楷矣。惟一黨之大。四十年已往之陳迹。中山先生止在機務極繁之暇。執筆有所載。自不能極詳。於是作黨史者紛起。卽無有敢爲諱飾與誣枉。然終難免於傳誤。且大都倉卒爲之。更必有無可諱言之疏漏。如是卽定爲黨史。決不能言已盡夫厥職。幸而中山先生既於自傳。示其不諱不飾不誣枉之模楷矣。復知將來傳誤疏漏之不能免。又諄命海濱鄒先生。徵集材料。爲大規模之編纂。於是積之年載。所得甚多。鄒先生着手整理者逾三年。雖中間小有作輟。而用力不可爲不動。然而仍不敢定之爲史。止擬名之爲史料。雖經展堂胡先生鑑別其正確。勸名爲史稿。然曰料。曰稿。欲出版而後有待於當世同志之批評。尙有諱飾誣枉否乎。有否傳誤者乎。如皆得免之矣。知各地同志見聞所及。

必有可以補益疏漏者。如是而溯之爲史。庶乎盡正確之能事。以科學方法。記人類行動。無與於一黨之得失。烏乎謹矣。

民國十八年二月吳敬恆附言

胡漢民先生關於此書之函件

海兄大鑒。頃得手教。尊稿可交煥廷轉弟。以便執校勘之勞。精衛於入北京之前。其以指血寄我書。爲「我今爲薪。兄當爲釜」八字。薪以喻卽爲革命而死。釜則喻受煎熬。苦苦支持革命者。伊曾於民報最後一期。著有革命之道德。暢言此二義也。弟漸漸恢復去年之生涯。惟尙不能作諒書耳。專復。卽頌。

旅安。弟漢民頓。二十日

海兄大鑒。疊得手教。具悉。稿件亦俱收到。弟意如次。

一 分類當以組黨。宣傳。革命。爲三部。暗殺納入革命。而海外納入組黨。如此則體裁既善。分量亦復相當也。

二 緒論一章。似宜刪割。因其不必要。且爲此綜合的批評。甚不容易也。

三 註宜用較小一體之字。例如原文用五號。則註用六號。

以上三點。望裁酌。專此卽頌。

時祉。弟漢民頓。十三日

以上爲十六年函件。

海濱兄大鑒。來書誦悉。革命史稿。卽囑人檢還。（或其中有一二文件。須摘抄。然已囑其從速）弟等外遊。不曾工作。餘人似太慎重。現在弟意。似不宜過於求全。祇於綱領章次。如暗殺等納入革命起義之類。稍加釐改。便可以初稿出版。不審以爲如何。專復卽候近安。弟漢民頓。十二月一日

海兄大鑒。頃由煥廷轉來手書。具答如左。

(一) 尊稿改編。即可出版。勿須再寄弟參酌。弟太冗忙。不敢一誤再誤。

(二) 三民主義。五權憲法。似以納入宣傳爲宜。蓋言黨言革命。而不知主義之尊。是不知有黨與革命者也。宣傳而不本於黨之主義及政策。尤非黨人所宜有也。因於時代。而或有所偏重。甚或有所忽略。其功過若何。亦可存其本真。使天下後世之公判。兄嘗以爲然也。

(三) 弟手邊一無可加之材料。惟邵翼如兄於建國雜誌。屢有關於黨史之撰稿。(如肇和艦之役尤詳)。可資採擇。

(四) 弟忙至無執筆之暇。而黨史之重要。不宜輕率爲序。求敷衍塞責。無已則由 兄摘弟前後討論之書。而之他人之序末。或卷末。以略存所見耳。

(五) 書面當爲草署。然久不臨池。字必不佳也。專覆即候。

近祺。一弟漢民頓。十二月十三夜
以上爲十七年函件。

海兄大鑒。疊接手教。

今作一書籤。再三書之。僅能如此。史稿之名。則協之兄。亦以爲當。蓋如萬季野之明史稿。固炳耀數百年也。此候
近安。弟漢民頓。

各位同志。今天是三月二十九日革命起義紀念日。此役經過。已有許多同志著書紀述。但沒有十分完備的。這也難怪。因爲此役事太複雜。私人記載不易完備。其比較詳細的。還算鄒海濱先生著的中國國民黨史稿。這部書兄弟曾經代他校訂過。後來付印又有印錯的地方。前幾天又校了一遍。現已派人將校正鈔出付印。供同志們參考。

以上十八年函件及演講。

序言

民國十三年。本黨改組。余正搜集材料。擬完成廣州三月二十九日革命史。總理諭之曰。盍并搜集材料。編成黨史。余謹遵命。因在中央黨部週刊。特登徵求黨史材料廣告。并由青年部與海外部。聯名發函海外。以廣徵集。復乞同志中嘗身與其事者。開列事實。或口述而爲筆記。對於出版書報。有關黨史者。購借抄錄。尤不憚煩。總理更時時有所見賜。及冬。而積稿幾盈二簋。乃乘十四年春假。假宅友人。以便專心編輯。孰意甫行從事。而總理以病耗告。余赴京侍疾。乃中輟。及秋。因清黨開會的西山總理靈前。意南回未有期。托友將留粵之黨史稿件寄京。至則余又來上海。十五年夏。取得一部材料。編輯廣州三月二十九革命史。乃甫成。先嚴棄養。孤露昏瞶。遂未能再事彙集材料。以纂黨史。至冬。黨史材料由京攜回。而黨軍將至。共產黨借勢橫行。謀應付之不暇。卒無能執筆。至十六年四月。南京清黨。五月乃得再理舊稿。着手編輯。雖在酷暑。猶不敢懈。直至九月。編至革命章武、漢革命以前。而滬、寧、漢黨部統一。組織特別委員會。余因赴南京服務。而黨史之未編者。請胡漢民先生續成。其已編者。請爲改正。蒙胡先生允許。乃章次改定。大體訂正後。胡先生與余均先後出國。遂復擱置。去冬始各言旋。胡先生方有事於南京。仍促余終其事。并疊囑無過求全。速梓以應需要。因之日夕從事。依據胡先生爲改訂之章次。及修正之事實。分別更易續成之。以公諸世。茲有爲讀者告者。則總理個性之發見。當以中華革命黨章程爲最。以黨治國。以身負黨之精神。悉行表現。然因誓約中有附從孫先生革命之言。及黨章之軍政訓政各時期。竟爲世人所詬病。同志亦多懷疑。更不能實力奉行。以底於成。及蘇俄革命成功。全國在共產黨治下。嚴密爲政治進行。總理之理想。一一見諸事實。所以總理之稱許蘇俄革命方式。非稱許聯俄也。借蘇俄

以證己之理想之易於實現。所以塞世人之口也。下察者流。謂民國十三年改組。總理效法蘇俄。實則總理借蘇俄之方式。暢個人之主張也。且總理一生以創造自負。歷數美、法、俄之革命。只有一民主義。或二民主義。以三民主義革命者。實以本黨爲創始。而三民主義。又自負融中外古今學說之精華。世無其匹。所以一面謂三民主義。合於林肯之民有民治民享。同時即批評美國之革命。只有一民主義。一面謂民生主義即共產主義。同時即批評馬克斯爲社會之病理家。不合於進化定律。爲方便說法。則樂取於人以爲善。而至於根本異同之際。則又未嘗輕於舍己以徇人。今遺書具在。而汝汝者。曾不及此。此總理所以常憾同志不能明瞭其主義也。吾黨歷史。有四十年之長。黨務遍於全球。黨史不獲在總理生前。秉承一切而編成之。缺漏至多。實爲遺憾。故茲篇取所有可徵之事。悉行採錄。聯綴成文。俾有條理。以供史料。亦可藉以繼續徵求事實。備他日完成黨史。因擬名曰中國國民黨史料。嗣經胡先生引明史稿之名。改爲中國國民黨史稿。但一人之搜集有限。率筆直載。有徵引者詳。難稽考者略。亦事之無可如何者。深願斯篇出後。各地黨部。各地同志。凡身與其事。或見聞所及。有關黨史者。無論文之修短。事之鉅細。皆望隨時見示。俾得彙爲完備黨史。昭示方來。初。廣州三月二十九日革命史之成也。余先有黃花岡七十二烈士事實出版。以爲徵集材料。茲篇取義。卽本於此。是則余受總理命。兢兢努力之用意也。

中華民國十八年二月二日鄒魯

再版自序

民國十八年。本書出版以後。余隨時隨地。搜集材料。以備增修。乃播遷無定。所獲至鮮。二十一年重長國立中山大學。見人見事。隨時留意。復登報徵集材料。歲月所積。稿件漸多。乃從事補編。加以友人及同學數人之助。已成之稿。高可數尺。卒因二十五年出國。歸國後又爲病擾。未能整理完結卽以之出版。不圖此次廣州遭敵機狂炸。此稿亦隨廣州無數市民財產。同罹劫運。卽搜得之材料。亦全失去。余既惜將成之稿付諸一炬。尤感另搜材料爲之增修未能在短時間如願以償。乃在日日敵機狂炸中。從事改訂再版。蓋在此抗戰建國時期。欲將本黨史跡。使人人共知。以冀總理之主義與先烈之精神。深入民衆。益鼓國民之團結。而振作其精神。在三民主義之下。完成其抗戰建國之責任耳。而尤欲使同志同胞鑑戒者。則黨之能否負革命建國之責任。不在黨員之多寡物質之豐缺。而純在全黨之精神。與中會人數寥寥。一切由總理親自策動。其時黨員在總理精神鼓勵之下。屢仆屢起。舉義至十數次之多。何其壯也。同盟會時代。黨員人數。亦並不多。然皆感於總理之主義與精神。千辛萬苦。有進無退。且有一個黨員所在之地。其革命精神與事實卽表現於其地。當地政府卽不能不視爲勁敵。凡屬黨員。卽素昧生平。見面便如手足。其親愛精誠尤足多者。至於黨員之從事革命。極少仰給金錢於黨部。經費之使用。以幾毫幾圓計。在廣州運動新軍之同志。每日下午步行至燕塘。清晨復步行回省城。從無支半文車馬費者。若有餘款任某事者。事不成卽無面再見同志。當辛亥三月二十九之役以前。溫生才烈士。曾在黃克強先生處。領得廣毫十圓爲暗殺李準費。未達目的。溫再見黃。黃責之曰。「汝領廣毫十圓。負責殺李準。李準尚在。有何面目相見。」溫返無以自容。卽用南洋攜回之手槍。獨自殺李準於廣州諮議局門首。民國紀元前四年廣州之役。同志推余以防營舉義。防營悉皆聯安。卒因遺粟失敗。事前之經營。事後之收拾。用費統不滿廣毫四千圓。且悉出自

籌。卽三月二十九之役。盡全黨之力以赴。所用亦不過十餘萬元而已。惟其有此種精神。故能於不數年間。推倒二百餘年之滿清及數千餘年之君政。逮入國民黨時期。本黨有數省之地盤。黨員達數十萬。軍隊亦達數十萬。金錢所費。卽民國二年之國會。數月之間。經余個人手支出者。亦達四十餘萬圓。乃二年討袁。不匝月而一敗塗地。何成敗之懸殊哉。實精神之差異有以致之也。總理鑑此失敗。乃有中華革命黨之組織。其精神在服從總理一人。其作用在組織訓練。復不憚舉國民黨之黨員大行淘汰。雖大創之餘。百孔千瘡。終能樹定黨基。洪憲、護法、討賊諸役。再接再厲。其精神一貫。至十三年中國國民黨改組。借他山之助。益強本黨之基。舉向來未能做到之嚴密組織與訓練。努力邁進。復注意於民衆之組織。教育之黨化。而成功之樞紐。尤在創辦黃埔軍官學校。將黨國之軍隊。根本改造。如是本向來本黨之革命精神。加以刷新革命之組織。不轉瞬間。遂得以北伐成功。建設進步。雖以倭寇懷一貫滅我之政策。更有數十年處心積慮之經營。去年大舉來侵。蔣總裁本總理之精神暨吾黨之主義。毅然抗戰。全國一致。無黨派之別。無地域之分。復乘抗戰之時。同時爲建國之事。爰於戰事嚴重時間。開第五屆臨時全國代表大會。以奠抗戰建國之基。更根據此次大會之決議。而開國民參政會。不特不如各國戰爭時期。削國民參政之權。且於抗戰時期。特予國民以參政之責。尤足使全國在三民主義之下。表現親愛精誠。嗟乎。同盟會時期。全黨親愛精誠。可以推倒滿清君政。中華革命黨時期。全黨服從總理。可以使洪憲、護法、討賊諸役均告成功。今日全國親愛精誠在蔣總裁領導之下。而推倒數十年侵略我國之倭寇。安得不操諸左券哉。深幸吾黨同志。全國同胞。借往鑑來。益堅抗戰必勝。建國必成之念。則本書之再版。或不無涓埃之補焉。至此次再版。因材料遭燬。未能從事添補。惟將餘篇之組黨、紀律、財政三篇。分割併入組黨中。三民主義、五權憲法、建國大綱三篇。編入宣傳中。若夫增修之舉。請俟異日。幸讀者有以鑒諒焉。

民國二十七年七月序於國立中山大學鄒魯

凡例

(一) 本書共分四篇。一、組黨。二、宣傳。三、革命。四、列傳。

(二) 本書敘事。起於總理創立興中會。迄於十四年第一屆中央執行委員會第三次全體會議。餘待續編。

(三) 本書除列傳篇爲紀傳體外。其餘三篇。用紀事本末體。

(四) 本書繫年。以中華民國紀元爲主。在民國開國前者。稱紀元前幾年。並附干支。在民國開國後者。逕書幾年。第三篇之後另附民國紀元與西曆暨滿清年代以及總理年歲對照表。以便讀者之檢對。

(五) 本書所繫月日。在民國元年以前者。悉照舊曆。民國元年以後者。悉照新曆。

(六) 本書爲黨史。除對總理總裁特別尊稱之外。其餘悉直書姓名。知其別號者。於第一次姓名下併以括弧附書別號。惟全書人名無慮千百。間有僅知其號而不知其名者。則暫用號。容俟查明更改。

(七) 本書引用史料。悉低一格排列。以別正文。

(八) 本書斷句符號。爲省印刷之煩。一律用圈。

(九) 本書因體裁關係。一事每前後數見。其同見一篇中者。敘述先詳後略。惟如前後兩篇互見。而其事之性質屬於後篇者。則後篇較詳。而前篇從略。

(十) 本書以供給史料爲目的。故所搜得之材料。盡量納入。其一事而記載互異者。除採一種入正文外。餘則納入附註。

(十一)本書第四篇各傳。除由著者自撰外。所有擇錄他人文字。均注明著者姓名。另見該篇篇首。

(十二)本書原搜集插圖甚多。前存上海民智書局。全部被入竊去。故以前各版均無插圖。現雖續有收存。惟以製版困難。暫不附入。

(十三)本書原擬附錄八名索引詳表。附載各人之別號、性別、籍貫、事略等項。因時間關係。未及製成。容俟再版補入。

(十四)本書此次補訂。蒙中央黨史史料編纂委員會及各機關各同志惠假史料。謹此誌謝。惟所採用之史料。因篇幅太繁。未能一一注明出處。并致歉忱。

(十五)本書增訂所根據之材料。除親自主持者來件及著者本人所知者之外。其他材料。必另詢與事件有關係之人證實。始敢採用。書中各部份材料多少不等。多者詳。少者略。無者缺。務請諸同志於略者、缺者多賜材料。倘有錯誤。尤希予以指正。俾得補訂。

目錄

吳敬恆先生序

胡漢民先生關於此書之函件

初版自序

再版自序

凡例

第一篇 組黨

第一章

興中會

第二章

中國同盟會

第三章

國民黨

第四章

中華革命黨

第五章

中國國民黨

一

四四

一二四

一五九

二八七

中國國民黨史稿

王季章

國民黨名

稱之實變

革命

革命

革命

第一篇 組黨

（註一）（註二）（註三）（註四）（註五）

本黨歷史。已數十年。初爲興中會。繼爲同盟會。爲國民黨。爲中華革命黨。及今爲中國國民黨。然其以三民主義爲革命救國之精神。則始終一貫。故興中會名稱。始用於民國紀元前二十年。紀元前七年。成立同盟會。民國元年八月二十五日。由同盟會改爲國民黨。三年七月八日。改組爲中華革命黨。八年十月十日。改稱爲中國國民黨。但中華革命黨之名稱。雖正式發表於民國三年。而紀元前一年。美洲之盟書已稱「中華革命黨黨員」。（註一）中華革命黨於民國三年正式發表以後。而國民黨名稱同時亦有利用之者。（註二）自同盟會至中國國民黨。每易名稱。均有正式宣布。而興中會與同盟會遞嬗之間。則闕如也。且其精神雖一貫。而形式則同盟會殆爲創立者。（註三）以後分節敘述之。

（註一）美洲聖天運八月二十二日之盟書。黨員書押之上。冠以「中華革命黨黨員」字樣。東（辛酉）年。苦（註二）三年時雖改爲中華革命黨。然亦有用國民黨名者。其因有二。（一）海外黨部於當地政府立案不易。恐易名爲黨對地政府所推。故仍用舊名。（二）見下。總理致美素同志書。

（註三）建國方略中云：「及乙巳之秋。集合全國英俊而成立革命同盟會於東京。……」

第一章 興中會

（註一）（註二）（註三）（註四）（註五）

總理始倡
革命總理鼓吹
革命

「四大寇」

在澳門創
設興中會總理北遊
京津上李鴻章
書

中法戰敗之年。始決傾囊清廷。創建民國之志。以學堂爲鼓吹之地。借醫術爲入世之媒。當紀元前二十六年。總理肄業於廣州博濟醫院 (Canton Hospital) 也。於同學中物色有鄭士良 (字弼臣) 者。其人豪俠尙義。廣交游。所結納皆江湖之士。同學中無有類之者。總理一見奇之。稍與相習。則與之談革命。士良一聞而悅服。并告以彼曾投入會黨。如他日有事。彼可羅致會黨。以聽指揮。總理在廣州學醫甫一年。聞香港有西醫書院 (The College of Medicine for Chinese) (註二) 開辦。以其學校較優。及地較自由。可以鼓吹革命。乃於紀元前二十五年投入香港西醫書院肄業。數年之間。每學課餘暇。輒致力於革命之鼓吹。常往來於香港、澳門之間。大放厥辭。無所忌諱。時聞而附和者。在香港祇有陳少白 (字斐石)、尤列 (字少純)、楊鶴齡三人。與上海歸客陸皓東 (字獻香) 而已。若其他之交游。聞者不以大逆不道而避之。則以中風病狂相視也。總理與陳、尤、楊三人。常任香港。昕夕往還。所談者莫不爲革命之言論。所懷者莫不爲革命之思想。所研究者莫不爲革命之問題。四人相倚甚密。非談革命。則無以爲歡。數年如一日。故港、澳之戚友交游。皆呼爲「四大寇」。及總理卒業之後。懸壺於澳門、廣州兩地以問世。而實則爲革命運動之開始也。紀元前二十年。總理乃在澳門創設興中會。以傾覆滿清爲本旨。在廣州、石岐、澳門設立藥房。(註三) 以爲運動機關。時鄭士良則結合會黨。聯絡防營。門徑既開。端倪略備。適甲午中日戰開。總理乃與陸皓東北遊京津。以窺清廷虛實。深入武漢。以觀長江形勢。聞清北洋大臣李鴻章有興復中國之意。乃由清總理各國事務衙門委員徐秋畦 (註四) 介紹。上書於李曰。(註五)

竊文籍隸粵東。世居香邑。曾於香港考授英國醫士。幼嘗遊學外洋。於泰西之語言文字、政治、禮俗。與夫天算、輿地之學。格物化學之理。皆略有所窺。而尤留心於其富國強兵之道。化民成俗之規。至於時局變遷之故。睦鄰交際之宜。輒能洞其竅奧。當今風氣日開。四方畢集。正值國家勵精圖治之時。朝廷勤求政理之日。每欲以管見所知。指陳時事。上諸當道。以備芻蕘之採。嗣

以人微言輕。未敢遽達。比聞國家奮求富強之術。月異日新。不遺餘力。馳騁乎將與歐洲並駕矣。快艦、飛車、電、郵、火械、昔日西人之所恃以陵我者。我今亦已有之。其他新法。亦接踵舉行。則凡所以安內攘外之大經。富國強兵之遠略。在當局諸公。已籌之稔矣。又有輅車四出。則外國之舉一動。亦無不週知。草野小民。生逢盛世。惟有遙聽歡呼。聞風鼓舞而已。夫復何所指陳。然而猶有所言者。正欲乘可爲之時。以竭其愚夫之千慮。仰贊高深於萬一也。竊嘗深維歐洲富強之本。不盡在於船堅、礮利、壘固、兵強。而在於人能盡其才。地能盡其利。物能盡其用。貨能暢其流。此四事者。富強之大經。治國之大本也。我國家欲恢擴宏圖。勤求遠略。仿行西法。以籌自強。而不急於此四者。徒惟堅船利礮之是務。是舍本而圖末也。所謂人能盡其才者。在教養有道。鼓勵以方。任使得法也。夫人不能生而知。必待學而後知。人不能皆好學。必待教而後學。故作之君。作之師。所以教養之也。自古教養之道。莫備於中華。惜日久廢弛。庠序亦僅存其名而已。泰西諸邦。崛起近世。深得三代之遺風。庠序學校。遍布國中。人無貴賤。皆奮於學。凡天地萬物之理。人生日用之事。皆列於學之中。使通國之人。童而習之。各就性質之所近。而肆力焉。又各設有專師。津津啓導。雖理至幽微。事至奧妙。皆能有法以曉諭之。有器以窺測之。其所學。由淺而深。自簡及繁。故人之靈明日廓智慧日積也。質有愚智。非學無以別其才。才有全偏。非學無以成其用。有學校以陶之。則智者進焉。愚者止焉。偏才者專焉。全才者普焉。蓋賢才之生。或千百里而見一。或千萬人而有一。若非隨地隨人而施教之。則賢才亦以無學而自廢。以至於湮沒而不彰。泰西人才之衆多者。有此教養之道也。且人之才志不一。其上焉者。有不能苟生於世之心。則雖處布衣而以天下爲己任。此其人必能發奮爲雄。卓異自立。無待乎勉勵也。所謂豪傑之士。不待文王而猶興也。至中焉者。端賴乎鼓勵以方。故泰西之士。雖一才一藝之微。而國家必寵以科名。是故人能自奮。士不虛生。迨至學成名